

**Utusan Malaysia Apr 2018**

<b>Bil.</b>	<b>Tarikh</b>	<b>Tajuk Berita</b>	<b>Catatan</b>	<b>Muka Surat</b>
1.	4 April 2018	SPRM tahan pegawai RISDA	Suruhanjaya Pencegahan Rasuah Malaysia (SPRM)	3
2.	5 April 2018	Rasuah : Pegawai RISDA ditahan reman lima hari	Suruhanjaya Pencegahan Rasuah Malaysia (SPRM)	4
3.	5 April 2018	Dewan Negara lulus RUU SPRM (Pindaan) 2018	Suruhanjaya Pencegahan Rasuah Malaysia (SPRM),	5
4.	6 April 2018	Dua lagi ditahan skandal tanah Ijok	Suruhanjaya Pencegahan Rasuah Malaysia (SPRM)	7
5.	6 April 2018	14 saksi hadir, kes tangguh	Suruhanjaya Pencegahan Rasuah Malaysia (SPRM)	8
6.	10 April 2018	Pasangan suami isteri ditahan kerana tuntutan palsu	Suruhanjaya Pencegahan Rasuah Malaysia (SPRM)	10
7.	11 April 2018	Suami isteri didakwa kemuka invois palsu lebih RM90,000	Suruhanjaya Pencegahan Rasuah Malaysia (SPRM)	11
8.	11 April 2018	Suami isteri tak mengaku kemuka invois palsu	Suruhanjaya Pencegahan Rasuah Malaysia (SPRM)	13
9.	15 April 2018	3 terlibat pengeluaran sijil pentaulahan palsu ditahan	Suruhanjaya Pencegahan Rasuah Malaysia (SPRM)	15
10.	16 April 2018	Tiga anggota sindiket ijazah palsu direman lima hari	Suruhanjaya Pencegahan Rasuah Malaysia (SPRM)	16
11.	18 April 2018	Ugut SPRM: Polis lakukan siasatan terperinci	Suruhanjaya Pencegahan Rasuah Malaysia (SPRM)	18
12.	18 April 2018	Bekas Pengurus Besar PPNT hadapi pertuduhan baharu	Suruhanjaya Pencegahan Rasuah Malaysia (SPRM)	19
13.	18 April 2018	SPRM tahan pembantu tadbir disyaki pecah amanah	Suruhanjaya Pencegahan Rasuah Malaysia (SPRM)	21
14.	19 April 2018	Seorang lagi ditahan, tipu sijil pentaulahan	Suruhanjaya Pencegahan Rasuah Malaysia (SPRM)	22
15.	20 April 2018	Ijazah Palsu: Tempoh reman tiga suspek dilanjutkan dua hari	Suruhanjaya Pencegahan Rasuah Malaysia (SPRM)	23
16.	25 April 2018	Suspek ke-7 kes sijil pentaulahan palsu ditahan	Suruhanjaya Pencegahan Rasuah Malaysia (SPRM)	24
17.	27 April 2018	RM90 juta projek BELB di Kelantan	Timbalan Menteri Kemajuan Luar Bandar dan Wilayah, Datuk Ahmad Jazlan Yaakub	25

Bil.	Tarikh	Tajuk Berita	Catatan	Muka Surat
18.	29 April 2018	Datuk Seri ditahan minta habuan selesai kes	Suruhanjaya Pencegahan Rasuah Malaysia (SPRM)	27
19.	30 April 2018	Isu terowong, Guan Eng sila jadi anak jantan	Suruhanjaya Pencegahan Rasuah Malaysia (SPRM)	28

4 April 2018

### 1. SPRM tahan pegawai RISDA

KUALA LUMPUR 4 April - Suruhanjaya Pencegahan Rasuah Malaysia (SPRM) menahan seorang Penolong Pegawai Pertanian Kemajuan Pekebun Kecil Perusahaan Getah (RISDA) kerana terlibat dalam salah laku membabitkan kerja-kerja berkaitan rancangan tanam semula getah bernilai RM18,900.

Menurut sumber, suspek yang berusia 47 tahun dan berkhidmat di RISDA Kuala Pilah dipercayai mencadangkan isterinya untuk menjalankan kerja-kerja berkaitan dengan rancangan menanam semula getah di bawah Skim Bantuan Tanam Semula.

"Suspek dikatakan mencadangkan perbuatan itu dilakukan di beberapa lot tanah di daerah Kuala Pilah dan Mukim Ulu Muar.

"Dia ditahan hari ini ketika hadir membantu siasatan di SPRM Negeri Sembilan pada pukul 5.25 petang," kata sumber itu.

Sementara itu, Pengarah Kanan Jabatan Siasatan SPRM, Datuk Simi Abd Ghani mengesahkan penahanan tersebut dan memberitahu, siasatan lanjut masih dijalankan.

"Suspek dijangka direman di Mahkamah Seremban esok bagi membantu siasatan," ujarnya

**2. Rasuah : Pegawai RISDA ditahan reman lima hari**

**PENOLONG Pegawai Pertanian RISDA ditahan reman lima hari bagi membantu siasatan kes salah guna kuasa di Mahkamah Khas Reman Seremban hari ini**

RASAH 5 April - Seorang Penolong Pegawai Pertanian Kemajuan Pekebun Kecil Perusahaan Getah (RISDA) Kuala Pilah ditahan reman lima hari bermula hari ini bagi membantu siasatan kes mencadangkan isterinya untuk menjalankan projek penanaman semula getah.

Perintah reman itu dikeluarkan Penolong Pendaftar Mahkamah Khas Reman Seremban, Nurhayatie Mohd. Saini selepas menerima permohonan pegawai Suruhanjaya Pencegahan Rasuah Malaysia (SPRM), Riduan Kadri.

Suspek berusia 47 tahun itu dipercayai mencadangkan isterinya untuk menjalankan kerja berkaitan rancangan tanam semula getah di bawah Skim Bantuan Tanam Semula daripada RISDA di tiga lot tanah di Kuala Pilah yang dianggarkan bernilai RM18,999.56.

Lelaki itu ditahan oleh pegawai SPRM pada pukul 5.25 petang semalam di pejabat SPRM Negeri Sembilan dekat sini.

Sementara itu Pengarah SPRM negeri, Ramli Ismail ketika dihubungi mengesahkan mengenai tangkapan itu.

### 3. Dewan Negara lulus RUU SPRM (Pindaan) 2018



KUALA LUMPUR 5 April - Rang Undang-undang Suruhanjaya Pencegahan Rasuah Malaysia (Pindaan) 2018 yang meliputi peruntukan baharu seksyen 17A bertujuan mengalakkan perniagaan dan aktiviti komersial dijalankan dalam keadaan bebas rasuah diluluskan dalam sidang Dewan Negara, hari ini.

Kelulusan dicapai menerusi suara majoriti selepas rang undang-undang itu dibacakan kali ketiga oleh Timbalan Menteri di Jabatan Perdana Menteri, Datuk Seri Razali Ibrahim.

Terdahulu, rang undang-undang tersebut dibahaskan oleh tiga Ahli Dewan Negara di hadapan Timbalan Yang Dipertua Dewan Negara, Datuk Seri Abdul Halim Abd. Samad.

Menurut Razali, peruntukan seksyen 17A bukan sesuatu perkara baharu malah inisiatif untuk mengadakan peruntukan itu telah dimulakan sejak 2012.

"Sebagaimana dijelaskan dalam Program Transformasi Kerajaan (GTP) 2.0, rata-rata rakyat melihat 'grand corruption' sebagai satu isu mendesak yang sangat perlu disegerakan penyelesaiannya.

"Justeru, keutamaan untuk memasukkan seksyen baharu 17A dalam Akta SPRM 2009 ini sememangnya sesuatu yang dijangka dan dinantikan oleh rakyat," katanya ketika membentangkan rang undang-undang tersebut.

Mengulas lanjut, Razali berkata, peruntukan itu memberi keadilan kepada masyarakat dengan mempertanggungjawabkan kedua-dua pihak organisasi komersial dan juga orang-orang yang bersekutu dengan sesuatu organisasi komersial itu bersama-sama melaksanakan tindakan untuk mencegah dan menolak amalan rasuah.

Justeru, kata beliau, pihak berkepentingan tidak perlu berasa gusar dengan peruntukan baharu mengenai kesalahan oleh organisasi komersial kerana seksyen 17A mengadakan peruntukan pembelaan kepada pihak organisasi komersial.

"Organisasi komersial boleh membela diri dengan membuktikan bahawa ia telah mempunyai tatacara yang mencukupi untuk menghalang mana-mana orang bersekutu dengannya daripada melakukan sesuatu perbuatan rasuah yang dinyatakan," katanya. -

6 April 2018

#### 4. Dua lagi ditahan skandal tanah Ijok

KUALA LUMPUR 5 April - Suruhanjaya Pencegahan Rasuah Malaysia (SPRM) menahan Pengerusi serta Timbalan Pengerusi Jawatankuasa Bertindak Peneroka Fasa 1 dan 2 Mukim Ijok dekat sini dipercayai menerima wang rasuah melibatkan Jawatankuasa Bertindak Projek Terbengkalai Alam Mutiara dan Alam Utama.

Menurut sumber, kedua-dua lelaki berusia 66 tahun dan 75 tahun itu ditahan kerana disyaki menerima suapan daripada syarikat perunding pampasan sebagai balasan untuk tidak melindungi kepentingan peneroka Fasa 1 dan 2 Mukim Ijok.

"Difahamkan, kedua-dua mereka menerima wang berjumlah antara RM70,000 hingga RM150,000 daripada syarikat perunding berkenaan untuk melakukan perkara tersebut.

"Mereka ditahan di Ibu pejabat SPRM Putrajaya kira-kira pukul 12.30 tengah hari ini ketika hadir memberi keterangan bagi membantu siasatan kes jawatankuasa bertindak terbabit di bawah projek Rancangan Revolusi Hijau 2 dan 3 Bukit Cherakah," katanya di sini hari ini.

Pada 22 Februari lalu, SPRM menyerbu lima syarikat dan merampas beberapa dokumen berkaitan isu penjualan tanah di Ijok kepada syarikat pemaju swasta pada harga RM1.18 bilion.

Seramai tujuh individu termasuk tiga lelaki bergelar Datuk direman bagi membantu siasatan membabitkan kes berkenaan, namun empat daripada mereka dibebaskan dengan jaminan masing-masing sebanyak RM25,000 berserta dua penjamin.

Sementara itu, Pengarah Kanan Jabatan Siasatan SPRM, Datuk Simi Abd. Ghani ketika dihubungi mengesahkan penahanan tersebut dan memaklumkan kes disiasat di bawah Seksyen 16(A) Akta SPRM 2009.

6 April 2018

## 5. 14 saksi hadir, kes tangguh

PULAU PINANG 9 April - Sebanyak 14 saksi pendakwaan hadir dan bersedia memberi keterangan pada perbicaraan kes rasuah Ketua Menteri, Lim Guan Eng dan ahli perniagaan, Phang Li Koon hari ini, namun prosiding tersebut terpaksa ditangguhkan oleh Mahkamah Tinggi di sini.



LIM GUAN ENG

Peguam Gobind Singh Deo yang mewakili Guan Eng, memohon maaf kepada Hakim Datuk Hadhariyah Syed Ismail dan memohon prosiding itu ditangguhkan ekoran ketidakhadiran anak guamnya yang mempunyai urusan rasmi.

Menurut peguam itu, pihaknya memohon supaya perbicaraan tersebut ditangguhkan ekoran Parlimen telah dibubarkan pada Sabtu lalu dan mereka memerlukan masa untuk membuat persediaan bagi proses pilihan raya.

"Kita tidak tahu bila Pilihan Raya Ke-14 (PRU-14) diadakan jadi saya cadangkan tarikh pengurusan kes ditetapkan pada awal Mei ini untuk menentukan hala tuju perbicaraan," katanya.

Timbalan Pendakwa Raya, Datuk Masri Mohd. Daud dari Suruhanjaya Pencegahan Rasuah Malaysia (SPRM) yang mengetuai barisan pendakwaan bagaimanapun membantah permohonan Gobind kerana meskipun pihaknya menyedari Parlimen telah dibubarkan namun tarikh penamaan calon masih belum ditetapkan oleh Suruhanjaya Pilihan Raya (SPR).

Sehubungan itu menurut Masri, perbicaraan tersebut masih boleh diteruskan untuk minggu ini seperti yang telah ditetapkan sebelum ini.

Hakim Hadhariyah bagaimanapun berkata, perbicaraan tidak boleh diteruskan tanpa kehadiran Guan Eng selaku tertuduh pertama.

"Disebabkan PRU-14, perbicaraan tidak dapat diteruskan. Saya pun tidak boleh tunggu dan tanpa kehadiran Guan Eng, perbicaraan tidak boleh diteruskan," ujar hakim itu yang memulakan prosiding pada pukul 9.30 pagi.

Mahkamah kemudian menetapkan perbicaraan akan didengar pada 21 hingga 25 Mei ini sementara 10 Mei dijadualkan untuk pengurusan kes bagi memastikan isu-isu berkaitan PRU-14 selesai.

Selepas perbicaraan ditangguhkan, Masri memberitahu pemberita di luar mahkamah, sebanyak 14 saksi pendakwaan telah hadir dan mereka bersedia memberi keterangan di mahkamah hari ini.

Beberapa minit selepas kes ditangguhkan, pihak media diberitahu Ketua Menteri Pulau Pinang itu bersama barisan peguam belanya akan mengadakan sidang akhbar di pekarangan mahkamah bagi memberi penjelasan mengenai permohonan penangguhan tersebut.

Guan Eng, 58, dibicarakan setelah mengaku tidak bersalah atas dua pertuduhan rasuah berhubung penukaran status tanah daripada zon pertanian kepada zon perumahan, empat tahun lalu serta pembelian lot tanah dan banglo di No. 25, Jalan Pinhorn di bawah nilai pasaran, tiga tahun lalu.

Li Koon, 46, yang merupakan bekas pemilik banglo itu pula didakwa bersubahat dengan Guan Eng untuk mendapatkan lot tanah dan banglo berkenaan di bawah harga pasaran.

10 April 2018

#### **6. Pasangan suami isteri ditahan kerana tuntutan palsu**

KUALA LUMPUR 10 April - Suruhanjaya Pencegahan Rasuah Malaysia (SPRM) menahan sepasang suami isteri kerana dipercayai telah membuat tuntutan palsu bernilai kira-kira RM91,000 daripada sebuah agensi kerajaan pada tahun lalu.

Menurut sumber, pasangan berusia 52 dan 49 tahun tersebut ditahan di ibu pejabat SPM Putrajaya kira-kira pukul 2.55 petang hari ini ketika hadir untuk memberi keterangan.

"Isteri suspek yang bekerja sebagai ketua kerani di agensi kerajaan tersebut ketika itu bersubahat dengan suaminya dan menggunakan jawatan dan kedudukannya dalam proses pemberian kerja-kerja pembekalan kepada empat buah syarikat yang mempunyai kepentingan baginya," katanya di sini hari ini.

Sementara itu, Pengarah Kanan Jabatan Siasatan SPM, Datuk Simi Abd Ghani mengesahkan tangkapan tersebut dan memberitahu, kes disiasat di bawah Seksyen 18 Akta Suruhanjaya Pencegahan Rasuah Malaysia 2009

11 April 2018

**7. Suami isteri didakwa kemuka invois palsu lebih RM90,000**

**SEPASANG suami isteri, Mohd. Raji @ Mohd. Radzi Kasdi, 51, Norlela Surip, 49, dihadapkan ke Mahkamah Sesyen Kuala Lumpur hari ini atas pertuduhan mengemukakan invois palsu dan bersubahat berhubung pembekalan cenderahati yang keseluruhannya berjumlah RM91,500, tahun lalu**

KUALA LUMPUR 11 April - Sepasang suami isteri dihadapkan ke Mahkamah Sesyen di sini hari ini atas pertuduhan mengemukakan invois palsu dan bersubahat berhubung pembekalan cenderahati yang keseluruhannya berjumlah RM91,500, tahun lalu.

Mohd. Raji @ Mohd. Radzi Kasdi, 51, merupakan seorang kakitangan Pihak Berkuasa Tempatan (PBT), dan isterinya, Norlela Surip, 49, bekas kerani di Pertubuhan Keselamatan Sosial (Perkeso) masing-masing mengaku tidak bersalah atas kesemua pertuduhan yang dibacakan terhadap mereka di hadapan Hakim Azura Alwi.

Mengikut pertuduhan, Mohd. Radzi didakwa telah memberi kepada Pengurus Cawangan (Pentadbiran Am), Bahagian Khidmat Pengurusan, Perkeso dengan niat hendak memperdayakan prinsipalnya, satu dokumen iaitu invois syarikat Nadzwa Resources milik Mohd. Radzi berjumlah RM42,000 bagi membekalkan dan menghantar pelbagai cenderahati yang mengandungi butiran palsu mengenai kerja-kerja pembekalan cenderahati kepada pihak Perkeso walaupun pembekalan itu tidak dilakukan.

Sementara itu, Norlela didakwa telah bersubahat bersama suaminya atas perbuatan sama.

Dalam pada itu, mereka juga didakwa bersama-sama memberi kepada pengurus serupa iaitu invois palsu syarikat M'Dia Enterprise berjumlah RM49,500 bagi membekalkan dan menghantar gambar berserta bingkai kayu mengenai kerja-kerja pembekalan gambar berserta bingkai kayu kepada Perkeso walaupun pembekalan itu tidak dilakukan.

Kesemua perbuatan itu didakwa dilakukan di Cawangan Pentadbiran Am, Menara Perkeso, di sini antara 23 Januari dan 27 Januari 2017.

Pendakwaan dikendalikan oleh Timbalan Pendakwa Raya dari Suruhanjaya Pencegahan Rasuah Malaysia (SPRM), Amirah Sariaty Zainal.

Mahkamah membenarkan jaminan RM25,000 dengan seorang penjamin bagi setiap tertuduh untuk kesemua pertuduhan dan menetapkan 10 Mei ini untuk sebutan semula kes

11 April 2018

#### 8. Suami isteri tak mengaku kemuka invois palsu

KUALA LUMPUR 11 April - Sepasang suami isteri mengaku tidak bersalah di Mahkamah Sesyen di sini hari ini atas pertuduhan mengemukakan invois palsu dan bersubahat berhubung pembekalan cenderahati yang keseluruhannya berjumlah RM91,500, tahun lalu.

Mohd. Raji @ Mohd. Radzi Kasdi, 51, yang merupakan kakitangan Pihak Berkuasa Tempatan (PBT) dan isterinya,

Norlela Surip, 49, iaitu bekas kerani di Pertubuhan Keselamatan Sosial (Perkeso) didakwa melakukan perbuatan itu di Cawangan Pentadbiran Am, Menara Perkeso, di sini antara 23 Januari dan 27 Januari 2017.

Mengikut pertuduhan, Mohd. Raji didakwa telah memberi kepada seorang pengurus cawangan (Pentadbiran Am), Bahagian Khidmat Pengurusan Perkeso invois berjumlah RM42,000 daripada syarikatnya, Nadzwa Resources yang mengandungi butiran palsu mengenai kerja-kerja pembekalan dan penghantaran pelbagai cenderahati kepada pihak Perkeso walhal pembekalan itu tidak dilakukan.

Pertuduhan bagi Mohd. Raji dikemukakan mengikut Seksyen 18 Akta Suruhanjaya Pencegahan Rasuah Malaysia (SPRM) 2009 dan boleh dihukum di bawah Seksyen 24 akta sama.

Norlela pula didakwa telah bersubahat dengan suaminya melakukan perbuatan sama dan didakwa mengikut Seksyen 18 Akta SPM dan dibaca bersama Seksyen 28(1)(c) akta sama serta boleh dihukum di bawah Seksyen 24 akta serupa.

Kedua-duanya juga menghadapi satu lagi pertuduhan iaitu didakwa bersama-sama memberi kepada pengurus terbabit invois mengandungi butiran palsu syarikat M'Dia Enterprise berjumlah RM49,500 bagi membekalkan dan menghantar gambar berserta bingkai kayu mengenai kerja-kerja pembekalan gambar berserta bingkai kayu kepada Perkeso sedangkan pembekalan itu tidak dilakukan.

Bagi pertuduhan tersebut, mereka didakwa mengikut Seksyen 18 akta sama dan dibaca bersama Seksyen 34 Kanun Keseksaan dan boleh dihukum di bawah Seksyen 24 akta sama. Seksyen 24 Akta SPM memperuntukkan hukuman penjara maksimum 20 tahun dan denda tidak kurang lima kali ganda nilai suapan atau RM10,000 mengikut mana lebih tinggi jika sabit kesalahan.

Timbalan Pendakwa Raya dari SPM, Amira Sariaty Zainal mencadangkan jaminan RM50,000 dengan seorang penjamin bagi setiap tertuduh untuk kesemua pertuduhan namun pasangan yang tidak diwakili peguam itu memohon jaminan dikurangkan kerana perlu menanggung anak yang masih bersekolah.

Hakim Azura Alwi membenarkan jaminan RM25,000 dengan seorang penjamin bagi setiap tertuduh untuk kesemua pertuduhan berserta syarat tambahan mereka perlu menyerahkan pasport kepada mahkamah sehingga kes selesai selain menetapkan sebutan kes pada 10 Mei ini.

15 April 2018

### **9. 3 terlibat pengeluaran sijil pentauliahan palsu ditahan**

KUALA LUMPUR 15 April - Suruhanjaya Pencegahan Rasuah Malaysia (SPRM) menahan tiga individu selepas dipercayai terlibat dalam sindiket pengeluaran sijil pentauliahan menggunakan nama beberapa universiti swasta di negara ini.

Menurut sumber, suspek-suspek tersebut didapati telah mengeluarkan sijil palsu Master Degree, Ijazah Sarjana Muda dan diploma tanpa memerlukan seseorang mengikuti kursus pembelajaran itu.

Ujarnya, sindiket ini hanya akan mengambil masa selama seminggu untuk menyediakan sijil palsu tersebut menggunakan nama universiti swasta terlibat.

"Difahamkan, sijil pentauliahan palsu itu boleh diperoleh dengan bayaran antara RM2,000 hingga RM16,000.00 bergantung dengan jenis sijil dan universiti swasta," katanya.

Sumber memberitahu, ketiga-tiga suspek yang berusia 34 dan 30 tahun itu ditahan di Jalan Ipoh, Kuala Lumpur dalam satu operasi yang dilancarkan kira-kira pukul 4 petang ini.

Jelasnya, seorang daripada suspek yang ditahan merupakan warganegara India berusia 30 tahun.

"Mereka yang ditahan merupakan orang tengah yang menguruskan proses pembelian sijil palsu tersebut.

"Pasukan penyiasat kini dalam proses mengenal pasti individu yang bertanggungjawab untuk mencetak sijil pentauliahan palsu itu," katanya.

Tambah sumber, pihak SPMR juga sedang menyiasat sama ada terdapat penglibatan orang dalam universiti swasta yang bersubahat dengan kegiatan sindiket ini.

Sementara itu, Timbalan Ketua Pesuruhjaya (Operasi) SPMR, Datuk Seri Azam Baki ketika dihubungi mengesahkan tangkapan tersebut dan berkata, pihaknya masih mengesan beberapa suspek yang dipercayai turut terlibat dalam kegiatan ini.

"Kesemua suspek dijangka dihadapkan ke Mahkamah Putrajaya esok untuk direman.

16 April 2018

**10. Tiga anggota sindiket ijazah palsu direman lima hari**

TIGA individu termasuk seorang warga India direman selama lima hari bagi membantu siasatan kerana disyaki terlibat dalam sindiket pengeluaran sijil pentaulihan menggunakan nama beberapa institusi pengajian tinggi swasta (IPTS) di negara ini.

PUTRAJAYA 16 April- Tiga individu direman selama lima hari bagi membantu siasatan kerana disyaki terlibat dalam sindiket pengeluaran sijil pentaulihan palsu menggunakan nama beberapa institusi pengajian tinggi swasta (IPTS) di negara ini.

Tempoh reman yang bermula hari ini itu dikeluarkan Majistret Nik Muizzuddin Nik Muhammad selepas membenarkan permohonan Suruhanjaya Pencegahan Rasuah Malaysia (SPRM) untuk melakukan siasatan mengikut Seksyen 16(a) (A) Akta SPRM 2009.

Terdahulu ketiga-ketiga suspek termasuk seorang lelaki warga India yang berumur di antara 30 hingga 34 tahun itu dibawa ke Mahkamah Majistret di sini pada pukul 9.40 pagi dengan memakai baju lokap SPRM dan tangan bergari.

Semalam mereka ditahan di Jalan Ipoh, Kuala Lumpur dalam satu operasi pada pukul 4 petang.

Menurut sumber, ketiga-tiga suspek tersebut didapati telah mengeluarkan sijil palsu ijazah sarjana, ijazah sarjana muda dan diploma tanpa memerlukan seseorang mengikut kursus pembelajaran di insitusi pengajian terbabit.

Jelasnya, sindiket itu hanya akan mengambil masa selama seminggu untuk menyediakan sijil palsu tersebut menggunakan nama-nama IPTS dengan bayaran antara RM2,000 hingga RM16,000 bergantung dengan jenis sijil dan IPTS.

"Mereka yang ditahan merupakan orang tengah yang menguruskan proses pembelian sijil palsu tersebut. Pasukan penyiasat kini dalam proses mengenalpasti individu yang bertanggungjawab untuk mencetak sijil pertaulianan palsu itu," katanya.

SPRM juga sedang menyiasat sama ada terdapat penglibatan orang-orang dalam IPTS yang turut terlibat dan bersubahat dengan kegiatan sindiket terbabit.

18 April 2018

### 11. Ugut SPRM: Polis lakukan siasatan terperinci

**KUALA LUMPUR 17 April** - Polis sedang melakukan siasatan secara menyeluruh berhubung kes ugutan terhadap dua pegawai kanan Suruhanjaya Pencegahan Rasuah Malaysia (SPRM) yang menerima bungkusan mengandungi peluru hidup dan nota ancaman dalam peti surat rumah mereka, semalam.

Ketua Jabatan Siasatan Jenayah Selangor, Senior Asisten Komisioner Fadzil Ahmat berkata, pihaknya telah mengambil keterangan daripada kedua-dua pegawai tersebut bagi membantu siasatan.

"Pegawai penyiasat telah dihantar ke rumah mereka bagi membuat pemeriksaan serta mengumpul bukti-bukti. Selain itu, kita juga sedang menyiasat sama ada kedua-dua pegawai tersebut menerima ugutan daripada pihak yang sama," katanya ketika dihubungi di sini hari ini.

Tambah Fadzil, siasatan dijalankan mengikut Seksyen 507 Kanun Keseksaan atas kesalahan menakutkan secara jenayah dengan jalan perhubungan sembunyi nama.

Sementara itu, Timbalan Ketua Pesuruhjaya (Operasi) SPRM, Datuk Seri Azam Baki berkata, pihaknya kini menyerahkan kepada pihak polis bagi siasatan kes tersebut.

Bagaimanapun, menurut beliau, keselamatan dalaman organisasi tersebut akan dipertingkatkan dalam menghadapi situasi seperti mana yang berlaku terhadap dua pegawai kanannya.

"Kita ada cara tersendiri. Ini merupakan ugutan pertama yang diterima pegawai kanan SPRM sejak dua tahun kebelakangan ini.

"Kita percaya perbuatan ini mempunyai kaitan dengan beberapa kes berprofil tinggi yang disiasat oleh SPRM namun tidak dapat dipastikan kes apa," ujarnya.

Akhbar hari ini melaporkan dua pegawai kanan yang bertugas di Ibu pejabat SPRM Putrajaya dan memegang gred Jawatan Utama Sektor Awam (JUSA) C menerima peluru hidup dan nota amaran berbaur ugutan yang diletakkan dalam peti surat di rumah mereka di Bandar Seri Putra, Bangi dan Sungai Tangkas, Kajang, dekat sini semalam.

Kedua-dua pegawai terbabit membuat laporan polis secara berasingan di Ibu pejabat Polis Daerah (IPD) Kajang dan sebuah pasukan khas ditubuhkan bagi menyiasat kes berkenaan.

18 April 2018

**12. Bekas Pengurus Besar PPNT hadapi pertuduhan baharu**

KUALA TERENGGANU 18 April - Seorang bekas Pengurus Besar Pertubuhan Peladang Negeri Terengganu (PPNT) yang pernah dihadapkan ke Mahkamah Sesyen di sini bulan lalu kerana mengemukakan tuntutan palsu, hari ini sekali lagi dihadapkan ke mahkamah yang sama atas tuduhan serupa.

Kali ini tertuduh, Che Sa'adon Che Yahya, 54, menghadapi pertuduhan mengemukakan invois palsu berkaitan pembelian 14 ekor ikan kerapu hibrid bernilai RM600 dua tahun lalu.

Pada 27 Mac lalu, Che Sa'adon dituduh mengemukakan invois palsu berkaitan penukaran alat ganti kenderaan milik PPNT pada September 2016.

Ketika pertuduhan dibaca di hadapan Hakim Mohammad Haldar Abdul Aziz hari ini, tertuduh bagaimanapun mengaku tidak bersalah dan mohon dibicarkan.

Mohammad Haldar kemudian menetapkan 14 Mei ini untuk sebutan semula kes dan tertuduh dibenar ikat jamin RM5,000 dengan seorang penjamin.

Mengikut pertuduhan, Che Sa'adon didakwa dengan niat memperdaya kerani Akaun Lembaga Pertubuhan Peladang di Pejabat PPNT pada September 2016 dengan mengemukakan butiran palsu mengenai pembelian 14 ekor ikan kerapu hibrid bernilai RM600 sedangkan pembelian ikan itu hanya RM300.

Tertuduh didakwa mengikut Seksyen 18 Akta Suruhanjaya Pencegahan Rasuah Malaysia 2009 (Undang-Undang Malaysia Akta 694) yang boleh dihukum di bawah Seksyen 24 akta sama yang

memperuntukkan denda lima kali ganda nilai suapan atau RM10,000 mana yang tinggi dan penjara tidak melebihi 20 tahun, jika sabit kesalahan.

Pendakwaan dilakukan Timbalan Pendakwa Raya SPRM, Farah Yasmin Salleh manakala tertuduh diwakili peguam, Nor Asyikin Zakaria

18 April 2018

### **13. SPRM tahan pembantu tadbir disyaki pecah amanah**

KUCHING 18 April - Suruhanjaya Pencegahan Rasuah Malaysia (SPRM) menahan seorang pembantu tadbir di sebuah sekolah rendah di Simunjan hari ini kerana disyaki melakukan kesalahan pecah amanah melibatkan wang kira-kira RM218,000.

Menurut sumber, suspek dipercayai telah melakukan pecah amanah melibatkan akaun Kumpulan Wang Asrama (KWA) sekolah tersebut dengan membuat pembayaran ke beberapa akaun yang tidak berkaitan dengan sekolah antara 2015 dan 2017.

Katanya, suspek juga disyaki telah membuat pembayaran lebih RM130,000 kepada sebuah syarikat katering milik keluarganya.

"Suspek disyaki melakukan pembayaran ke atas dua syarikat kira-kira RM86,000 atas pelbagai urusan yang tidak melibatkan sebarang aktiviti sekolah terbabit.

"Siasatan juga mendapati tidak ada perkhidmatan atau pembekalan yang telah dilakukan syarikat-syarikat berkenaan kepada pihak sekolah," katanya ketika dihubungi Utusan Malaysia di sini hari ini.

Tambahnya, suspek yang mempunyai kawalan ke atas akaun sekolah didapati telah menggunakan wang itu untuk kegunaan peribadi.

Sementara itu, Pengarah SPRM Sarawak, Razim Mohd Noor memberitahu, buat masa ini pihaknya masih dalam proses mendapatkan dokumen-dokumen berhubung pembayaran yang dibuat itu.

"Bagaimanapun suspek telah dibebaskan selepas dirakam percakapan dengan jaminan SPRM RM10,000 tanpa deposit bersama dua penjamin," jelasnya.

19 April 2018

#### **14. Seorang lagi ditahan, tipu sijil petaulahan**

KUALA LUMPUR 19 April - Suruhanjaya Pencegahan Rasuah Malaysia (SPRM) menahan seorang lagi individu kerana disyaki terlibat dalam sindiket pengeluaran sijil petaulahan menggunakan nama beberapa universiti swasta di negara ini.

Suspek berusia 34 tahun itu ditahan di rumahnya yang terletak di ibu negara hasil maklumat yang diperoleh pasukan penyiasat.

Menurut sumber, suspek yang mempunyai perniagaan sendiri itu merupakan pembekal sijil-sijil palsu selepas mendapat tempahan daripada pembeli.

"Beberapa lagi individu turut dikenal pasti bagi membantu siasatan berhubung kegiatan ini," katanya di sini hari ini.

Dalam pada itu, Timbalan Ketua Pesuruhjaya (Operasi) SPM, Datuk Seri Azam Baki ketika dihubungi mengesahkan tangkapan tersebut

20 April 2018

### **15. Ijazah Palsu: Tempoh reman tiga suspek dilanjutkan dua hari**

PUTRAJAYA 20 April- Tempoh reman tiga individu termasuk seorang lelaki warga India dilanjutkan selama dua hari bagi membantu siasatan kerana disyaki terlibat dalam sindiket pengeluaran sijil akademik palsu menggunakan nama institusi pendidikan tinggi swasta (IPTS) terkemuka di negara ini.

Tempoh reman yang bermula esok itu dikeluarkan Majistret Khir Nizam Jemari selepas membenarkan permohonan Suruhanjaya Pencegahan Rasuah Malaysia (SPRM) untuk melakukan siasatan menyeluruh mengikut Seksyen 16(a) (A) Akta SPRM 2009.

Terdahulu ketiga-tiga suspek yang berumur di antara 30 hingga 34 tahun itu di bawa ke klinik untuk pemeriksaan tahap kesihatan sebelum di bawa ke Mahkamah Majistret di sini pada pukul 10 pagi dengan memakai baju lokap SPRM selain tangan turut digari

Sebelum ini ketiga-tiga suspek direman selama lima hari bermula 16 April lalu dan berakhir hari ini, mereka ditahan di Jalan Ipoh, Kuala Lumpur dalam satu operasi khas pada pukul 4 petang pada 15 April lalu.

Semalam, SPRM turut menahan suspek keempat kes tersebut yang berumur 34 tahun, suspek telah direman selama enam hari bermula pada hari yang sama bagi membantu siasatan mengikut seksyen 16(a)(A) SPRM 2009.

Menurut sumber, sindiket tersebut didapati telah mengeluarkan sijil palsu ijazah sarjana, ijazah sarjana muda dan diploma tanpa memerlukan seseorang mengikuti kursus pembelajaran di insitusi pengajian terbabit.

Jelasnya, sindiket itu hanya akan mengambil masa selama seminggu untuk menyediakan sijil palsu tersebut menggunakan nama-nama IPTS dengan bayaran antara RM2,000 hingga RM16,000 bergantung dengan jenis sijil dan IPTS.

"Mereka yang ditahan merupakan orang tengah yang menguruskan proses pembelian sijil palsu tersebut. Pasukan penyiasat kini dalam proses mengenalpasti individu yang bertanggungjawab untuk mencetak sijil pertauliahuan palsu itu," katanya

25 April 2018

### **16. Suspek ke-7 kes sijil pentauliahan palsu ditahan**

KUALA LUMPUR 25 April - Seorang lelaki warga Lubnan ditahan Suruhanjaya Pencegahan Rasuh Malaysia (SPRM) bagi membantu siasatan kes sindiket pengeluaran sijil pentauliahan palsu menggunakan nama beberapa universiti swasta di negara ini.

Suspek berusia 36 tahun itu merupakan individu ke tujuh yang ditahan dalam siasatan kes ini.

Sumber memberitahu, suspek yang juga merupakan pengarah sebuah syarikat percetakan dipercayai merupakan seorang daripada ejen yang mendapatkan pembeli sijil pentauliahan palsu tanpa perlu menghadiri kursus.

Ujarnya, suspek tersebut ditahan di Ibu Pejabat SPM di Putrajaya kira-kira pukul 8.40 malam semalam.

"Walau bagaimanapun, pasukan penyiasat masih mengenal pasti dalang utama sindiket ini yang bertanggungjawab untuk mencetak sijil-sijil palsu tersebut," katanya ketika dihubungi di sini.

Tambah sumber itu, siasatan juga mendapat terdapat orang-orang kenamaan dengan gelaran turut membeli sijil-sijil pentauliahan palsu tersebut.

"SPRM tidak mengambil ringan perkara ini kerana terdapat orang-orang kenamaan turut mendapatkan khidmat sindiket ini untuk mendapat sijil-sijil palsu."

"SPRM juga akan memanggil mereka sekiranya perlu bagi membantu siasatan dalam masa terdekat," katanya.

Sementara itu, Timbalan Ketua Pesuruhjaya (Operasi) SPM, Datuk Seri Azam Baki ketika dihubungi mengesahkan tangkapan tersebut tetapi enggan mengulas lanjut berhubung orang-orang kenamaan yang dipercayai telah membeli sijil-sijil pentauliahan palsu daripada sindiket ini.

Menurutnya, pasukan penyiasat sedang meneliti dokumen-dokumen yang dirampas dalam beberapa siri operasi yang dilancarkan sejak 15 April lalu.

Beliau juga tidak menolak kemungkinan lebih ramai lagi yang akan ditangkap berkaitan dengan siasatan kes ini.

"Sijil pentauliahan palsu ini boleh diperoleh dengan bayaran antara RM2,000 hingga RM16,000.00 bergantung jenis sijil dan universiti swasta.

"Kes tersebut disiasat mengikut Seksyen 16(a)(A) Akta SPM 2009," katanya.

27 April 2018

## 17. RM90 juta projek BELB di Kelantan



AHMAD JAZLAN YAAKUB (tiga dari kiri) merasmikan projek Bekalan Elektrik Luar Bandar Kg. Pangkal Ketereh Machang sambil disaksikan Mohd. Azim Yusof (dua dari kiri) i Kg. Pangkal Ketereh, Machang, kelmarin

MACHANG 26 April - Kerajaan Persekutuan menerusi Kementerian Kemajuan Luar Bandar dan Wilayah (KKLW) telah memperuntukkan hampir RM90 juta untuk pelaksanaan projek Bekalan Elektrik Luar Bandar (BELB) Talian Grid di negeri ini.

Timbalan Menteri Kemajuan Luar Bandar dan Wilayah, Datuk Ahmad Jazlan Yaakub berkata, peruntukan itu membabitkan kos keseluruhan projek BELB Talian Grid di negeri ini sejak tahun 2009 sehingga 2018 yang membabitkan sebanyak 1,371 buah rumah.

Beliau berkata, projek itu bagi memastikan penduduk luar bandar dapat menikmati kemudahan asas iaitu bekalan elektrik yang lengkap.

"Sejak tahun 2009 sehingga 2017, sebanyak 1,303 buah rumah di Parlimen Gua Musang, Pasir Puteh, Kuala Krai, dan Jeli telah mendapat manfaat daripada Projek BELB," katanya.

Beliau berkata demikian kepada pemberita selepas menyempurnakan Majlis Perasmian Projek BELB Talian Grid Semenanjung Malaysia 2018 di Kampung Pangkal Ketereh, di sini semalam.

Turut hadir, Pengurus Besar (Khidmat Pelanggan dan Pembangunan Perniagaan) Tenaga Nasional Berhad (TNB), Datuk Ir. Mohd. Azim Yusof dan Pengurus Besar TNB negeri Kelantan, Datuk Ir. Yuslan Yusof.

Ahmad Jazlan berkata, projek BELB itu diteruskan di Machang dan Gua Musang dengan membabitkan 68 buah rumah pada tahun ini.

"Bagi Projek BELB di Kampung Pangkal Ketereh, Machang, ia membabitkan 14 buah rumah dengan kos sebanyak RM1.12 juta.

"Manakala di Gua Musang, pelaksanaan melibatkan 54 buah rumah dengan kos berjumlah RM4.32 juta," katanya.

Walau bagaimanapun, katanya, masih banyak lagi kawasan yang memerlukan keperluan asas bekalan elektrik ini.

"Kita akan melihat perkara ini secara teliti bagi membantu penduduk luar bandar dan sekiranya ada kerjasama dari pihak kerajaan negeri, ia akan mempercepatkan lagi pelaksanaan projek ini," katanya.

29 April 2018

#### **18. Datuk Seri ditahan minta habuan selesai kes**

KUALA LUMPUR 29 April - Suruhanjaya Pencegahan Rasuah Malaysia (SPRM) menahan seorang jurutera perunding bergelar Datuk Seri Indera selepas disyaki meminta rasuah kira-kira RM1.8 juta daripada seorang individu yang juga bekas ketua pengarah sebuah agensi kerajaan bagi membantu menyelesaikan kes yang kononnya disiasat oleh SPRM.

Menurut sumber, suspek berusia 49 tahun itu telah berjumpa dengan individu tersebut di sebuah restoran di ibu negara pada pertengahan bulan ini dan menyatakan individu berkenaan serta beberapa lagi pegawainya sedang disiasat oleh SPRM.

Ujarnya, suspek juga menyatakan boleh membantu individu itu mendapatkan gelaran Datuk Seri daripada Pahang selain menyelesaikan kes tersebut dengan menerima habuan wang kira-kira RM1.8 juta untuk kedua-dua tujuan terbabit.

"Selain itu, suspek menyatakan dia dapat menyelesaikan kes SPRM tersebut kerana mengenali pengurusan tertinggi SPRM. Suspek ditahan di Bandar Baru Bangi, Selangor kira-kira pukul 12.45 tengah hari semalam," katanya di sini hari ini.

Sementara itu, Timbalan Ketua Pesuruhjaya (Operasi) SPRM, Datuk Seri Azam Baki ketika dihubungi mengesahkan tangkapan tersebut dan memberitahu, ini bukan kali pertama seseorang individu menggunakan nama pengurusan tertinggi SPRM untuk mendapatkan wang.

Beliau berkata, SPRM tidak akan membenarkan mana-mana individu mencemarkan nama baik serta reputasi SPRM dan akan mengambil tindakan sewajarnya ke atas mereka yang terlibat.

"Saya meminta orang ramai untuk tidak terpedaya dan sekiranya terdapat mana-mana individu menyatakan anda disiasat oleh SPRM hubungi kami untuk mengesahkan perkara terbabit," ujarnya.

Tambahnya, suspek telah ditahan reman selama enam hari bermula hari ini bagi membantu siasatan mengikut Seksyen 16(a)(A) Akta SPRM 2009

30 April 2018

## 19. Isu terowong, Guan Eng sila jadi anak jantan!



TIMBALAN Presiden Parti Cinta Malaysia (PCM), Datuk Huan Cheng Guan (tengah) menuntut Ketua Menteri Pulau Pinang, Lim Guan Eng menjelaskan isu terowong dasar laut dan hubungannya dengan seorang ahli perniagaan yang ditahan Suruhanjaya Pencegahan Rasuah Malaysia (SPRM) pada sidang akhbar di Butterworth di sini hari ini

BUTTERWORTH 30 April - Ketua Menteri, Lim Guan Eng diingatkan supaya menjadi anak jantan dan tidak berterusan 'melarikan diri' daripada menjelaskan berhubung skandal projek terowong dasar laut.

Calon Parti Cinta Malaysia (PCM) kerusi Parlimen Bagan, Datuk Huan Cheng Guan berkata, sehingga kini, Guan Eng yang juga calon PKR kerusi itu gagal menjawab beberapa keraguan di sebalik isu terbabit.

Antaranya, kata Cheng Guan yang juga Timbalan Pengurus PCM, berkenaan hubungannya dengan seorang ahli perniagaan bergelar Datuk Seri yang ditahan Suruhanjaya Pencegahan Rasuah Malaysia (SPRM) bagi membantu siasatan berhubung dakwaan cubaan menutup siasatan projek tersebut.

"Sehingga kini Guan Eng masih belum menjawab sejauh mana status hubungan beliau dengan Datuk Seri sedangkan gambar mesra mereka berdua dirakam sangat jelas di sebuah kediaman dan di dalam kereta.

"Adakah beliau berasakan penduduk boleh menerima begitu sahaja jawapan kononnya tidak ada apa-apa hubungan antara mereka?" katanya dalam sidang akhbar di sini hari ini.